



ORDENANZA NÚM: 19

ORDENANZA FISCAL REGULADORA DA TAXA POR INSTALACIÓN DE POSTOS, BARRACAS, CASETAS DE VENDA, ESPÉCTACULOS, ATRACCIÓN OU RECREO, SITUADOS EN TERREO DE USO PÚBLICO MUNICIPAL, ASÍ COMO INDUSTRIAS NA RÚA E AMBULANTES E RODAXE CINEMATOGRAFICA

Artigo 1º.-FUNDAMENTO E NATUREZA.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de Abril, reguladora das Bases de Réxime Local, e de conformidade co disposto nos artigos 15 a 19 da Lei 38/1988, de 28 de Decembro, acorda a imposición e ordenación **da Taxa por instalación de postos, barracas, casetas de venda, espectáculos, atraccións ou recreo, situados en terreo público municipal, así como industrias na rúa e ambulantes e rodaxe cinematográfica.**

Artigo 2.-FEITO IMPOÑIBLE.

Constitúe o feito impoñible desta taxa a utilización privativa ou aproveitamento especial do dominio público municipal polos conceptos que se sinalan no título desta taxa.

Artigo 3º.-SUXEITO PASIVO.

Son suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei Xeral Tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

Artigo 4.- RESPONSABLES.

1. Serán responsable solidarios das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5.-COTA TRIBUTARIA.

A cota desta taxa será a que figura no anexo desta Ordenanza.

Artigo 6º.-BENEFICIOS FISCAIS.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º.-PERCEPCIÓN.

Percíbese a taxa e nace a obriga de contribuír:

-Nos servizos de retribución puntual, no momento de presentar a solicitude de concesión ou autorización.

-Nos servizos de retribución periódica, percibirase a taxa o primeiro día de cada ano natural.

Artigo 8.-LIQUIDACIÓN.



- Cando se trate de servizos puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.

- Cando se trate de servizos de retribución periódica, liquidarase e esixirase a taxa nos períodos que se sinalen na tarifa da taxa ou na liquidación única anual.

- Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abrir o oportuno expediente sancionador por infracción tributaria.

Artigo 9º.-INGRESO.

O pagamento desta taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ao inicio do expediente de concesión ou autorización do aproveitamento interesado.

- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10º.-INFRACCIÓN E SANCIÓN.

Nesta materia estarase ao disposto na Lei Xeral Tributaria e normativa de desenvolvemento.

Artigo 11º.-NORMAS DE XESTIÓN.

-As persoas ou entidades interesadas na concesión ou autorización para realizar os aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie de aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe das taxa en calidade de depósito previo.

-No caso de denegarse as autorizacións, os interesados poderán solicitar a devolución da taxa ingresada en calidade de depósito previo.

Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

-Cando remate o aproveitamento, os suxeitos pasivos formularán as declaracións de baixa no censo ou padrón da taxa, e surtirá efectos no período natural seguinte ao de presentación da mesma, podendo no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN FINAL.

A presente ordenanza fiscal, cunha redacción definitiva polo Pleno da Corporación na sesión de data 1 de outubro de 1998, entrará en vigor o día 1 de xaneiro de 1999.



ANEXO

CADRO DE TARIFAS

	<u>IMPORTE</u>
1ª: FEIRA DE ARCADE:	
1.- Licencia municipal anual	23,86 €uros
2.- Ocupación vía pública. Por m ² /día	0,56 €uros
3.- Venda directa dende vehículos. Por día	5,93 €uros
4.- Pequenas ocupacións (caixas, cestas, etc.). Mínimo 1 m ² . Por día	0,56 €uros
2ª: OUTRAS INSTALACIONES:	
1.- Postos na vía pública. Por m ² /día	0,25 €uros
2.- Tómbolas. Por m ² / día	0,30 €uros
3.- Casetas, carruseis, etc. Por m ² /día	0,30 €uros
4.- Circos e outros espectáculos:	
Ata 500 m ² . Por día	26,16 €uros
Cada 100 m ² . Máis ou fracción. Por día	10,73 €uros

Aprobacion definitiva 1 de outubro de 1998

Publicación no B.O.P. núm. 249 do 30 de decembro de 1998.

Modificacións:

- no B.O.P. núm.11 do 16 de xaneiro de 2001, aprobada polo Pleno o 13 de Novembro de 2000.
- no B.O.P. núm.238 do 12 de decembro de 2001, aprobada polo Pleno o 27 de Setembro de 2001.
- no B.O.P. núm.244 do 20 de decembro de 2002, aprobada polo Pleno o 7 de Outubro de 2002.
- no B.O.P. núm. 247 do 23 de decembro de 2003, aprobada polo Pleno o 30 de Outubro de 2003
- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- no B.O.P. núm. 235 do 9 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.